

« Վեհիկ հիացեալ կայի ընդ միտս իմ մինչև  
« ցեօթն ամ՝ խնդրելով յամենողորմէն Աս-  
« տուծոյ . . . : Եւ ապա յարուցեալ ես Վե-  
« հիկ՝ չոգայ առ սուրբ հայրապետն Ա-  
« բաս . . . . :

« Ես Ազրիանէ, որ զիշատակարանս գրե-  
« ցի, մաղթեմ յիշել զանարժանութիւնս իմ  
« ի յընթերցողացդ, և զհայրապետն Աբաս  
« մի՛ ևս մոռանալ, յորոյ ժամանակս լոյս  
« աշխարհի ծագեցաւ, ընդ նմին և զՎեհիկ՝  
« կարապետ նոցին, յիշեացէ՛ Տէր Աստուած  
« ողորմութեամբն իբրով մեծաւ, և որք յի-  
« շէքդ՝ ձեզ վարձս ընդ երանելի վկայիցն  
« հասուցէ՛ Գրիտոս այժմ և յաւիտեանս .  
« ամէն\* » :

Ինչպէս կը տեսնուի՝ Վեհիկ գրած է պատ-  
մութիւնը, ուստի և կը խօսի միշտ առաջին  
դէմքով և ասեմ, ընդ միտս իմ, չոգայ, ես  
Վեհիկ, և այլն և այլն . յետոյ Ազրիանէ ա-  
նուն մէկը օրինակած է Վեհիկի պատմու-  
թիւնը իրմէ ևս աւելցնելով այն յիշատա-  
կարանը. « Ես Ազրիանէ և այլն » : Յետոյ  
ալ Մովսէս Կաղանկայտուացին՝ միամիտ մէ-  
կը՝ գտած է Ազրիանէի օրինակութիւնը և  
յիշատակարանովը միասին առած է իր պատ-  
մութեան մէջ :

Էջ 277, ԺԵ. գլուխը « Վասն աստիկա-  
« ցեայ տոլոյն, սրոյն և գերոշքեանն ի միա-  
« սին » քաղուած է Վիրոյի պատմութենէն,  
ինչպէս որ գլխուն վերջը կը յիշատակուի.  
« Ես Վիրոյ՝ Աղուանից և Լինաց և Չողայ  
« կաթողիկոս, թողում ասել զայլն ամենայն,  
« զպէսպէս զազրալիս՝ զմարմնոյ սևութիւնս  
« և կնտութիւնս գլխոց, և այլն, և այլն . . . »  
(Մով. Կաղ. Ա. հատ. էջ 279-280) :

Էջ 417 Ծ. գլուխը « Վասն Յովսէփայ  
« անապատականի բնակելն յԱրձախ, և երբն  
« յԵրուսաղեմ, ընդ նմին և բերումն երջ-  
« յսարսցն սրբոց », քաղուած է նոյն Յով-  
սէփի անապատականի պատմութենէն բառ  
առ բառ. « Ի թագաւորութեանն Հերակղիոսի  
« և Նախշախ թագաւորութեանն Յագկերտի,  
« և ի կաթողիկոսութեանն Հայոց Եգրի, և  
« ի սպարապետութեանն Մուշեղի, ի Սիւ-  
« նեաց տէրութեանն Գրիգորի, յեպիսկո-  
« պոսութեանն Մաթուսաղայի . . . զնացի ես  
« Յովսէփի անապատական ի գաւառէն Գե-  
« դամայ՝ յանապատէ Բրտի այրից վասն չար  
« նեղութեան ժամանակի . . . խոյս տուռայ

« իմ՝ եկի ի գաւառս Արձախայ . . . ընկա-  
« լեալ զիս գանարժանս . . . Տնկեցաւ ի սիրտ  
« իմ ցանկութիւն ստանալ ի նշխարաց  
« սրբոյն Յովհաննու . . . ընկալեալ իմ Յով-  
« սէփայ՝ բերի ի նոյն վկայարանս . . . » :

Ստորագծուած բառերը կը ցուցնեն թէ  
այս գլուխն ալ բառացի օրինակութիւն է  
առաջին հեղինակէն :

Այս օրինակները բաւական են արդէն  
ցուցնելու համար թէ խմբագրութիւն է Կա-  
ղանկայտուացին, և այն հատուածները որ  
Շահնագարեան մէջ կը բերէ և որոնց մէջ  
արդարեւ ականատես մըն է միշտ խօսողը,  
գրուած են ո՛չ թէ Կաղանկայտուացի Մով-  
սէսէն, այլ անոր առաջնորդող պատմագիր-  
ներէ. և Մովսէս բառ առ բառ կ'օրինակէ  
անոնցմէ :

Այս պատճառով է որ Կաղանկայտուացին  
խառնակ պատմութիւն մըն է լի կրօնական  
սուսապելներով (հմմտ. 147-182, 193-211),  
խաչի և սուրբ նշխարներու անվերջ զիւտե-  
րով (հմմտ. էջ 417-420, 95-97, 147-157,  
220-224, 325-333, 340-349). երբեմն դէպ-  
քերն անկարգ (100-115), պակաս, խառնակ  
(217), զլխաւոր արժէքը յիշատակութիւնն  
է քսանի մօտ պաշտօնական թուղթերուն և  
Գաւթակի ողբին :

Է

Ի՞նչ է սակայն Կաղանկայտուացիին գրու-  
թեան բուն թուականը :

Յիշուեցաւ թէ պատմութեան երրորդ գիր-  
քը կը հասնի մինչև 914. ուրեմն Մովսէս  
ալ այս թուականին մօտերը գրած պիտի  
ըլլայ. դենք 920: Կրնայ առարկուիլ սա-  
կայն որ — եթէ Կաղանկայտուացին 920էն  
գրած է, Ասողիկ որ անկէ 84 տարիներ վերջ  
կը գրէ, ինչո՞ւ համար չ'յիշեր զայն: — Ա-  
սոր ալ պատճառն այն պէտք է ըլլայ, որ Մով-  
սէսի պատմութիւնը՝ իբրև հեռացած ցեղի  
մը մասնաւոր պատմութիւնը՝ մնացած է  
միայն իր միջավայրին՝ Աղուան երկրին մէջ,  
և շատ ուշ տարածուած է Հայաստանի բնիկ  
գաւառները :

Հրաչեայ Յ. Աճառեան

1897 Մ-յի 40 Պ-էն

\* « Ես Ազրիանէ » և այլն. Մոսկովայի տպա-  
գրութեան մէջ պատմութեան կարգէն վեր-  
ցուած և ի ստորև իջին գրուած է, իբրև յա-  
ւելուած կամ յիշատակարան գրչին և ոչ մասն  
պատմութեան: Ծ. Խ.

